

Cha-n-eil ni chuireas as da,
 Dian na lasair tha'n gradh!
 Uisge lianmhor cha mhuch e,
 Tuiltean druidhteach cha bhath!
 Leam bu mhiann bhi na fhasgadh,
 'S a bhi mealtuinn a bhlathais!
 Sud a Bhratuch bu mhiann leam,
 Bhi na m' f hianuis do ghnath.

O mo Shlanuighear ionmhuinn,
 Bi 's gadh iomcheisd dhomh dluth!
 'S leir dhuit iomrull mo chos-cheum,
 'S deura goirte mo shul!
 Biodh do throcair mu m' thimchioll,
 Gus an gairm thu mi null;
 As a phailliu lag thruagh so,
 Dhionnsuidh suaimhneis do Chuir.

EARBSA.

Cia taitneach ri thuigsin, ri fhiosrach' 's ri luaidh;
 Ged is coigrich 's luchd-cuairt sinn gun bhuanas
 'nar'n uin,
 Gu bheil Iosa dhuinn dluth anns gach trioblaid tha 'n
 toir oirn,
 Toirt misneich 's an rod dhuinn is solais o' ghnuis;
 'S ged thuiteas am pailliu do'n duslach mar bha e,
 Fuidh chumhachd a bhais ann an samhchar na h-uaigh;
 Gun gairmear gu faillteach ar n'anma do'n Aros,
 'San sealbhaich sinn lanachd na Sabaid bhios buan!

Ge buailteach dhuinn bochdainn, agus iomadh ceum
 docair;
 'Sna deoir bhi gu goirt o' ar rosgaibh a nuas,
 'Sa phailliu so 'gosnaich 's ar namhuid 'gar lotadh,
 Gun tamh no gun chlos dhuinn, a bhos fad ar cuairt: